

95. **Hexadesmia brachyphylla**: aff. *Hexadesmiae crurigerae* Lindl. foliis lineariligulatis apice retuso bilobis, abbreviatis, floribus subsolitariis, mento minuto, sepalis ligulatis, sepalo summo obtuse acuto, sepalis lateralibus subfalcatis bene acutis, tepalis spatulato obovatis bene obtusis minute crenulatis, labelli ungue statim dilatato, apice reniformi emarginato (non superposite bilobo), nervis creberrimis, columna gracili apice dilatata.

A *Hexadesmia crurigera* differt foliis latioribus multo brevioribus rigidissimis, spatha florali magna, flore bene majori, mento obscuro, tepalis bene obtusis, labello ante unguem statim dilatato ampliato, antice emarginato, nec superposite bilobo.

Rhizoma validum polyrrizatum dense vaginatum. Pseudobulbi a basi tenuiori ampliati, vaginis stramineis tecti prope duos pollices longi. Folium duos tresve pollices longum, linearis ligulatum, apice bilobulum, telae rigidissimae. Spatha floralis scariosa ligulata, quatuor usque quinque lineas longa. Flores quam in *Hexadesmia crurigera* majores.

„Hölle weiss mit violetten Linien.“

Turrialba in Costa Rica. 23. 3. 1857.